

DALALÆÐAN

1.tbl. 14.árg. febrúar 2001.



Gljúfrasteinn og Hraðastaðarétt

Þessa sérstöku ljósmynd tók Þorsteinn Jósefsson, líklega á 7. áratugnum, en hér er horft yfir Hraðastaðarétt að Gljúfrasteini. Hraðastaðarétt var þar sem íbúðarhúsið Jónstótt stendur núna og þjónaði hlutverki sínu sem skilarétt Dalbúa þar til fjárrétt var reist við Leirvogsvatn.

Leiðari

*Hvorki er veðrið þurrt né vott
og varla er það nógu gott;
fugl er það ei
eða fiskur nei svei.
Farðu ó-veður á brott!*

Sagt hefur það verið bæði fyrr og síðar að þegar Íslendinga skorti umræðuefni þá tali þeir og skrifi um veðrið. Það verður einnig þrautalending leiðarahöfundar Dalalæðunnar að þessu sinni.

Ekki er hægt að tala um ótíð þennan veturinn og annað eins snjóleysi hefur ekki sést í manna minnum, skíði rykfalla á hillum, lúðrasveitin leikur „Nú er sumar“ og Þorri sprangar um á stuttbuxum og spyr: „Hvar er ég staddur?“

Jú, við erum stödd í Mosfellsdal á þorra á nýrri öld, í dal þar sem veðrið og tíðin skiptir miklu máli. Í þessum dal voru skipulagðar veðurathuganir gerðar á 19. öld en þar var að verki Magnús Grímsson prestur á Mosfelli. Hann var frumkvöðull á því sviði eins og á mörgum öðrum og skrifaði einn góðan veðurdag í dagbók sína árið 1857: „Kl. 10 f.m. snjóaði á fjöll, en festi ekki í byggð fyrr en kl. 12 f.m. Kl 5-6 gekk vindur í austur-landsuður, hvass en þurr frá kl. 3 e.m. Sáust stjörnur.“

Og enn sjáum við stjörnur ef við berum höfuðið hátt. Oft hefur verið stjörnubjart það sem af er vetrar og norðurljósinn hafa heldur ekki látið á sér standa. Stjörnur kvikna og falla en það er ljóst að veðrið er eitt af því sem við verðum að setta okkur við hvernig sem það er. Því getum við ekki breytt - sem betur fer.

Bjarki Bjarnason

DALALÆÐAN

1. tbl. 14. árg. Febrúar 2001.

Útgefandi: Íbúasamtökin Víghóll í Mosfellsdal.

Ritstjóri og ábyrgðarmaður: Bjarki Bjarnason.

Umbrot: Hlynur Helgason.

Auglýsingar: Auður Eiríksdóttir, Gísli

Snorrason, Valur Þorvaldsson.

Prentun: Prentsmiðjan Oddi.

Efni

Merkisafmæli á árinu	3
Með plóginn að vopni	4
Stúlkan á Ásum gerir vart við sig	5
„Í Bringunum sló hann sinn blett“	6
Horft yfir dalinn	7
Dalsrétt	8
Með slaufu í halanum	10
Brúarlandsfólkið	11
<i>Minning Guðmundar Ó. Skarphéðinssonar</i>	12
Jarðbótamaður á Skeggjastöðum	14
Skeggjastaðaforleikurinn	15
Annáll ársins 2000	baksíða

Bankinn er bakhjarl



BÚNAÐARBANKINN

Mosfellsbæ, sími 566 7000

Afgreiðslutími: Mánud.-föstud. kl. 9.15-16.00

Merkisafmæli á árinu

JÓEL KR. JÓELSSON í Reykjahlið varð 80 ára þ. 22. janúar.

SIGURÐUR NARFI JAKOBSSON í Reykjadal verður 75 ára þ. 7. maí.

STEFÁN SCHEVING THORSTEINSSON í Árvangi verður 70 ára þ. 22. desember.

KLARA ÞÓRÐARDÓTTIR á Hraðastöðum varð 60 ára þ. 9. janúar.

MAGNÚS JÓHANSSON á Hraðastöðum verður 60 ára þ. 19. júní.

GUÐRÚN SIGURÐARDÓTTIR á Minna-Mosfelli varð 50 ára þ. 16. janúar.

ÞÓRUNN BJARNADÓTTIR frá Mosfelli varð 50 ára þ. 22. janúar.

SIGNÝ JÓHANNSDÓTTIR á Furuvöllum varð 50 ára þ. 26. janúar.

INGIMUNDUR MAGNÚSSON á Breiðufit verður 50 ára þ. 27. mars.

SIGRÍÐUR HALLDÓRSDÓTTIR frá Jónstótt verður 50 ára þ. 26. maí.

Dalalæðan óskar þessu ágæta fólki til hamingju!

TANNLÆKNASTOFA
GUÐJÓNS S. VALGEIRSSOAR

Urðarholti – Sími 566 6992

Úr – Skartgripir

FANNAR

KJARNA MOSFELLSBÆ

Hestaleigan
Laxnesi


BÍLAVERKSTÆÐI
GUÐVARÐAR og KJARTANS



Kjarna • Þverholti 2 • 270 Mosfellsbæ • Sími 586 8099



Urðarholt 2 • 270 Mosfellsbæ • Sími 566 6145 • Fax 566 6308



Með plóginn að vopni

Þessi ljósmynd er tekinn í Mosfellsdal, líklega um 1930. Hér hafa menn tekið tæknina í sína þjónustu, svonefndur þúfnabani dregur plóginn en myndin er tekin niðri á svonefndum Víði. Horft er í norður og áberandi kennileiti á myndinni eru Kirkjugil, Diskur, Krosshóll og Kýrgil austast.


Bæjarhús sjást á Mosfelli og Minna-Mosfelli. Ljómyndari er ókunnur.



Bakkakotsvöllur



ÁSLÁKUR



Inga Blau
GALLERÍ

Skólavörðustíg 5
101 Reykjavík
Sími 552-2030
Kf. 220957-3229

DALADUL

Stúlkan á Ásum gerir vart við sig

Flestir Dalbúar kannast við söguna um hjúkr-unarkonuna á Ásum sem först þar með

vofeiflegum hætti á hernámsár-unum en hefur stundum gert vart við sig á dimmum vetrarkvöld-um. Hljótt hefur verið um stúlk-una á síðustu árum en nú á að-ventunni dró til tíðinda sem hér verða færð stuttlega til sögu.

Maður er nefndur Jóhann Björn Ávarsson, búsettur í Reykjavík og starfar sem tónlistar-kennari. Þann 12. desember síð-astliðinn fór hann ásamt konu sinni Maríu G. Hrafnisdóttur á aðventutón-leika í Mosfellskirkju en María er starfandi lækni þótt ekki skipti það máli í frásögn þessari.

Þau hjónin nutu hljómlistarinnar í kirkj-unni en þegar haldið var aftur til höfuðborg-arinnar gerðist einkennilegt atvik sem hér verður greint frá.

Jóhann Björn segist hafa ekið á fremur hægum hraða niður Dalinn og í honum sat einhver velliðan eftir ljúfa tóna í Mosfells-kirkju. En um það leyti sem þau hjónin yfir-gáfu ljósum prýddan Dalinn og héldu upp Ásana sér Jóhann Björn tvær mannverur skjótast leiftursnöggt yfir veginn og hverfa jafnskjótt út í náttmyrkrið handan vegarins.

Kalt var veðurs og eigi aldimmt og má það furðu gegn að fólkið skyldi nánast gufa upp

við vegarbrún. María, kona Jó-hanns Björns, varð fyrir svipaðri lífsreynslu og spyr mann sinn: „Sástu fólkið?“ Jóhann Björn svar-aði konu sinni á þessa leið: „Já, ég sá fólkið en hvar er það nú?“ Nátt-myrkrið á Ásunum veitti ekkert svar.

Jóhann Björn segist aldrei fyrr á ævi sinni orðið fyrir dulrænni reynslu en morguninn eftir hafði hann tal af glöggum manni úr

Mosfellsdal sem hefur búið þar frá barns-alðri. Sá maður sagði að bragði: „Já, vinur minn. Þetta hefur stúlkan á Ásum ásamt heit-manni sínum, hún först fyrir 60 árum.“

(Úr Þjóðsögum Bjarka Bjarnasonar)

Dalbúar fyrr og nú!

Fjölmennum á þorrablótíð

í Fólkvangi þann

10. febrúar.

Húsið opnar kl.19.



ÍS FUGL

Kjúklingur er kjörin fæða !

„Í Bringunum sló hann sinn blett“

Ekki er hægt að nefna mörg eyðihýli í Mosfellsdal en Bringur undir Grímannsfelli er eitt þeirra. Bringur byggðust fyrst um miðja 19. öld úr landi Mosfells en bæjarnafnið komst á hvers manns varir þegar mannskaðinn á Mosfellsheiði varð árið 1857. Þá urðu sex vermenn úti en nokkrir komust við illan leik niður í Bringur.

Margir Dalbúar muna eftir síðasta ábúandanum í Bringum en hann hét Hallur Guðmundur Jónsson (f. 16.9. 1891, d. 12. maí 1968). Hallur var bóndi á Minna-Mosfelli á árunum 1921-1926 en flutti þá búferlum


að Bringum. Þar bjó hann fram á 7. áratuginn, löngum með stórt fjárbú. Undir það síðasta var hann einn síns liðs á bænum og fannst þar nær dauða en lífi, var fluttur til byggða og andaðist á Vífilstöðum vorið 1968. Eiginkona Halls var Hallfríður **Hansína** Guðmundsdóttir (f. 10.4. 1917, d. 18.9.1993), þau slitu samvistum en eignuðust þrjár dætur saman.

Kjartan Helgason (f. 1922) var snúningapiltur hjá Halli í tvö sumur, kom þangað átta ára gamall. Hann segir svo frá:

„Já, ég kom að Bringum sumarið 1930, mig minnir að ég hafi farið uppeftir með mjólkurbílnum. Þá var burstabær í Bringum með baðstofu en engin upphitun var í bænum. Hallur var ókvæntur á þessum árum en hafði allmargt vinnufólk og ráðskonu sem var Guðrún Snorraddóttir frá Erpsstöðum í Dölum. Mér þótti vistin góð í Bringum en ég man að mér þótti það slæmt að sjá ekki til Reykjavíkur. Ég hafði ekkert nema gott af Halli að

segja, hann var barngóður. Um haustið fékk ég 100 krónur í sumarkaup og kartöflur í kauphæti!“

Kjartan segir að Hallur hafi haft allstórt bú,




Kjartan Helgason, en hann var snúningapiltur hjá Halli í Bringum fyrir 70 árum.

bæði kindur, kýr og hesta, Heyjað var á heimatúnum og einnig ofar á heiðinni og þá gist í tjöldum á meðan. „Ég hafði m.a. þann starfa að fara með mjólkina á hestvagni eftir gamla Bringnaveginum niður að Hraðastöðum, segir Kjartan. Þar var sameiginlegur brúsapallur fyrir nokkra bæi, m.a. Bringur, Hraðastaði og Laxnes. Ég var auðvitað einnig kúasmali

og man ég eftir því að kýrnar týndust eitt sinn og ég var sendur til að svipast um eftir þeim. Ég leitaði þeirra lengi dags og kom m.a. að Leirvogsvatni. Þar bjó þá Valgerður Gísladóttir, fyrrum prestsfrú á Mosfelli, hún var þá með veitingarekstur við vatnið og nefndi staðinn Svanastaði. Ég fékk mjólk og kleinur hjá frú Valgerði en kýrnar fann ég ekki fyrr en síðar, þær voru þá komnar niður undir Skeggjastaði.“

70 ár eru liðin síðan Kjartan Helgason var léttaðrengr hjá Halli Jónssyni í Bringum, bærinn er horfinn þótt enn sjáist móta fyrir bæjarrústum. Við túnfótinn niðar Kaldakvísl og sönglar:

*Ég man eftir Halli
meinlausum kalli
í Bringunum sló hann sinn blett.*



Horft yfir Dalinn

Þessi skemmtilegu ljósmynd tók Þorsteinn Jósefsson á 6. áratugnum. Gróðurhúsabýlin á Laugabóli, Reykjahlíð, Reykjadal og Dalsgarði eru áberandi fremst á myndinni en norðan við þjóðveginn sést til Mosfells og Minna-Mosfells. Tvö íbúðarhús eru á Mosfelli, nú bæði horfin. Í húsinu til vinstri bjuggu séra Hálfdan Helgason og síðan séra Bjarni Sigurðsson ásamt fjölskyldum sínum en Kristinn Guðmundsson og Hall-dóra Jóhannesdóttir bjuggu lengi í litla húsinu til hægri. Prestshúsið var rífið um 1960 en þá hafði nýtt hús verið reist uppi á hólnum.

Ferðapjónustan

Frá hvirfli til ilja

Sími: 566 7098 / 899 5198

Fax: 566 7091

Bjarki Bjarnason

MF

Sigurður Skarphéðinsson
Grænumýri 5 – Sími 566 7217






VERIÐ VELKOMIN

OPIÐ VIRKA DAGA KL. 10.00-18.00 – LAUGARDAGA KL. 10.00-14.00

SÍMI: 566 6303 FAX: 566 8330





Dalsrétt

Þessar ljósmyndir voru teknar í Dalsrétt í Helgadal í septembermánuði síðastliðnum. Vegna breyttrar skipunar girðingarmála á afrétti Mosfellinga verður væntanlega ekki oftast smalað og réttað í Dalsrétt með þessu sniði. Ljós.: Bjarki Bjarnason.

DALALJEDAN





Horft heim að Laxnesi, bröggunum lengst til hægri hefur verið jafnað við jörðu en útihúsin fyrir miðri mynd voru upphaflega byggð sem fjós. Hluti af íbúðarhúsinu lengst til vinstri var bernskuheimili Halldórs Laxness.


Húsið var byggt seint á 19. öld og er eitt elsta húsið í svettarfélaginu.

Myndina tók Þorsteinn Jósefsson, líklega á 7. áratugnum.

Með slaufu í halanum

Hesthúsin í Laxnesi voru í eina tíð full af kviðmiklum kúm en þar var starfrækt stórt kúabú sem stundum var nefnt Búkollubúið. Jónas Sveinsson læknir (faðir Þórarins í Laxnesi) var einn aðalhvatamaðurinn að stofnun kúabúsins sem þótti sérlega nútímalegt á sínum tíma eins og þessi skopmynd Halldórs Péturssonar ber með sér. Teikningin birtist í tímaritinu Speglinum árið 1947.

Mosraf



Brúarlandsfólkið


Brúarlandsfólkið er nafn á bók sem var gefin var út á síðasta ári í tilefni af aldarminningu skólastjóra hjónanna á Brúarlandi, Lárusar Halldórssonar og Kristínar Magnúsdóttur. Sonur þeirra, Ragnar Lár, sá um útgáfuna.

Lárus Halldórsson (1899-1974) var Húnvetningur að uppruna en Kristín (1899-1970) frá Mosfelli, dóttir séra Magnúsar Þorsteinsonar og Valgerðar Gísladóttur. Þau Lárus og Kristín bjuggu um hríð á Æsustöðum og síðan á Mosfelli en fluttu árið 1929 í Brúarlandshúsið, héldu þar stórt heimili um langt

skeið og fluttu loks að Tröllagili. Meðal bræðra Kristínar voru Árni og Ólafur sem byggðu sér hús úr Hrírbrúarlandi og nefndu Víðihól. Þau systkini eru nú öll látin, Guðrún Magnúsdóttir, sem lengi var símtöðvarstjóri á Brúarlandi, lést á nýliðnu ári.

Bókin Brúarlandsfólkið hefur m.a. að geyma niðjatal Lárusar og Kristínar, minningarbrot frá Brúarlandi sem nokkur barna þeirra hafa ritað en ekki síst er bókin prýdd miklum fjölda ljósmynda sem margar hafa mikið heimildagildi.

Þessi mynd er tekin á 5. áratugnum og er ein af fjölmörgum skemmtilegum ljósmyndum í bókinni Brúarlandsfólkið. Hér gefur að líta yngri deild nemenda í Brúarlandsskóla. Fremst á myndinni eru þórir frá Reynisvatni og Ragnheiður Tybjerg. Fyrir aftan þau eru Ólafur Ingimundarson á Hrírbrú og Hreinn Ólafsson á Laugabóli.



Fyrir aftan Óla á Hrírbrú sést í Bjarna Bjarnason á Hraðastöðum og við hlið hans er Ragnar Lár með bros á vör. Þá kemur Þuríður Hjaltadóttir á Æsustöðum, Borge

Boeskov og María Hálfðanardóttir á Mosfelli. Fyrir aftan hana er Jóhannes Boeskov en ljóshærður piltur á útprjónaðri peysu er Þórir Ólafsson á Varmalandi.

Þá koma Ásgerður í Dælustöðinni, Arnfríður (Bíbi) á Varmalandi, Inga Ásta frá Ökrum, Njáll Þorsteins í Barnakoti, Guðbjörg frá Skeggjastöðum, Aðalheiður Finnbogadóttir á Sólvöllum og lengst til hægri eru systurnar frá Ullarnesi Jóhanna og Hulda Jakobsdætur. Aftast standa Klara Klængsdóttir kennari, Bandaríkjamaður, sem hér var á ferð að kynna sér skólamála, séra Sigurður Einarsson í Holti undir

Eyjafjöllum og Lárus Halldórsson skólastjóri.

Athygli vekur að tæplega helmingur nemenda er úr Mosfellsdal en á þessum árum var þéttbýlismyndun ekki hafin í Mosfellsveit.

Guðmundur Óskar Skarphéðinsson bóndi á Minna-Mosfelli

F. 12. ágúst 1923, d. 23. ágúst 2000

Það er hjart yfir minningu Guðmundar Óskars Skarphéðinssonar bónda á Minna-Mosfelli, sem kvaddi þegar liðnu sumri tók að halla. Atvik höguðu því svo að fjölskylda mín átti hann að vini síðust æviár hans, en við fluttumst að Minna-Mosfelli þegar hann varð frá að hverfa vegna heilsubrests 1997. Guðmundi kynntumst við sem heilsteyptum og vel gerðum manni sem okkur fannst gott að hitta.

Mér er minnisstætt þegar ég hitti Guðmund fyrst sumarið 1987, er ég vegna starfa minna kom til hans og Katrínar móðir hans að Minna-Mosfelli. Hún var þá háöldruð og stóð fyrir búi með syni sínum, og hafði verið húsfreyja á Minna-Mosfelli í rétta hálfra öld. Allt bar vott um nosturslega umgengni innan húss sem utan, og var það alla tíð aðall fjölskyldunnar. Hver hlutur átti sinn stað, og hver hlutur var á sínum stað. Þar var í raun alltaf búið samkvæmt þeim hugmyndum sem nú er kenndar við sjálfbæra þróun, og áhersla lögð á að ná hvarvetna besta árangri, en beita þó til þess hófstílltum og yfirveguðum aðferðum. Mikil virðing var borin fyrir sköpunarverkinu og umgengni við dýr og önnur náttúrugæði ein-kenndist af umhyggju. Þess var vand-

lega gætt að sóa ekki verðmætum, enda hafði allt sem undir höndum var kostað blóð svita og tár. Meðal-

hófsreglan var þar í raun meginregla; „Það sé allt eftir þörfum manns, þá fer að vilja skaparans“ (Jón Þorláksson á Bægisá). Engin regla er þó án undantekninga, og þegar því var að skipta var mikil rausn til staðar á Minna-Mosfelli eins og ljósastjakarnir á altari Mosfellskirkju eru til vitnis



um ásamt fleiru. Stundum yfirsteig líka metnaðarfullt nostur í umgengni allt meðalhóf, og oftast en einu sinni hlaut fjölskyldan sérstakar viðurkenningar, bæði fyrir snyrtilega umgengni og úrvals búsafurðir.

Ég hafði haft nokkrar spurnir af fjölskyldunni á Minna-Mosfelli allt frá bernsku. Tengslin urðu með þeim hætti að þegar þau Skarphéðinn og Katrín hófu búrekstur sinn laust fyrir 1930, var það á Keldum, þar sem þau tóku jörðina á leigu af Ólafi Jónssyni og Guðrúnu Eyjólfsdóttur, föðursystur minni, sem þar bjuggu þá. Þegar Skarphéðinn og Katrín síðar fluttu bú sitt út í Viðey, fylgdi þeim sem vinnukona önnur föðursystir mín, Þóra, og dvaldi síðan einnig hjá þeim nokkur sumur á Minna-Mosfelli eftir að þau komu þangað vorið 1937.

Guðmundur bjó með foreldrum sínum meðan þau lifðu, elstur þriggja sona, og tók síðan við búinu þegar fram liðu stundir. Hann sagði mér frá því að sem ungur maður hefði hann allt eins getað hugsað sér annan starfsvettvang, enda var hann fjölbærur maður og hagr. Skarphéðinn faðir hans var kappsamur og rak stórt kúabú á þeirra tíma mælikvarða, og því var full þörf fyrir allan tiltækan vinnukraft meðan öll verk voru unnin með höndum og hestum. Það lá því beinast við að búskapur yrði ævistarf Guðmundar, og þegar svo var ráðið, hafði hann hug á því að komast í hændaskóla. Atvik komu í veg fyrir það, og urðu það honum vonbrigði. Guðmundur var víðlesinn og í raun fjölmenntaður og fróður á mörgum sviðum. Það var haft á orði í Dalnum að hann væri „bóndi af Guðs náð“.

Guðmundur var fremur dulur um eigin hagi. Hann gerði fyrst og fremst kröfur til sjálfs sín, og þótt hann hefði gjarnan meiningar um menn og mál efni þá fór hann jafnan vel með og flíkaði lítið. Það var fremur háttur hans að umbera galla heimsins en úthrópa þá. Hann var ókvikull trúmaður; trúr og samkvæmur sjálfum sér. Í hugann kemur sú hlaðna spurning sem Halldór Laxness leggur Guðrúnu Jónsdóttur vinnukonu á Mosfelli í munn í Innan sveitarkroniku: „Getur nokkur nokkurntíma verið nokkrum trúr nema sjálfum sér?“

Þótt það lægi ekki fyrir Guðmundi Skarphéðinssyni að kvænast eða eignast afkomendur, átti hann fjölskyldu sem var honum afar náin og kær. Bræður hans Skúli og Sigurður stofnuðu heimili í næsta nágrenni og urðu

barnmargir og Minna-Mosfell sameinandi stórfjölskylduna. Allt þetta fólk sýndi Guðmundi mikla virðingu og ræktarsemi og vildi allt fyrir hann gera og er mér vel kunnugt um hve mikils hann mat það.

Þegar ég að leiðarlokum lít yfir æviferil Guðmundar á Minna-Mosfelli og okkar kynni, þá er mér efst í huga hve mætur hann var. Eftir á að hyggja hlýtur þó hann að hafa haft galla eins og aðrir dauðlegir menn, en með öguðum lífsmáta hefur honum þá tekist að milda þá svo að við tókum ekki eftir neinu. Í huganum tengi ég lífshlaup Guðmundar Skarphéðinssonar ósjálfrátt við Heilræðavísir Hallgríms Péturssonar og finnst að í sumum erindunum gæti hann hafa verið skáldinu til fyrirmyndar:

*Lítillátur, ljúfur og kátur;
leik þér ei úr mála.
Varast spjátur, hæðni, blátur.
Heimskir menn sig státa.*

*Foreldrum þínum þéna af dyggð,
Það má gæfu veita.
Varast þeim að veita styggð,
viljir þú gott barn beita.*

*Hugsa um það helst og fremst
sem beiðurinn má næra.
Aldrei sá til æru kemst
sem ekkert gott vill læra.*

*Víst ávallt þeim vana halt:
vinna, lesa, iðja.
Umfram allt þó ætíð skalt
elska Guð og biðja.*

Valur Þorvaldsson

Jarðabótamaður á Skeggjastöðum

Í blaðinu Ingólfi sem kom út árið 1854 segir svo í meðfylgjandi klausu: „Bjarni Magnússon, sjálfseignarbóndi á Skeggjastöðum í Mosfellssveit innan Kjósarsýslu, hefir að vitnisburði félags fulltrúa í allt sléttað 2700 ferfaðma og hlaðið 266 faðma tvíhlaðins grjótgarðs, en 84 faðma torfgarðs; grjótgarðurinn er „vandaður og vel hlaðinn“. Hús öll „með snilld“ uppbyggð, stór kartöflugarður og hestarétt m. fl. Sjálfur er Bjarni „hlaðinn ómegð og heilsulínur“. Honum eru veittir 15 ríkisbankadali í verðlaun fyrir þúfnasléttun og garðhleðslu veitt af Suðuramtsins húss- og bústjórnarfélag 1854“. Alls voru 8 bændur verðlaunaðir af sama tilefni, vítt og breytt um landið. (Tímaritið Ingólfur 8.4. 1854, bls. 97.)

Um miðja 19. öld er kýrverðið nálægt 25 ríkisbankadöllum. Árið 1856 hefur sýslumaðurinn í Gullbringu- og Kjósarsýslum 235 ríkisbankadali í árslau, þannig að 15 dalir í höndunum á fátækum bónda hafa verið þó nokkurt fé.

Hver skyldi þessi merki maður hafa verið? Ekki er auðvelt að finna margar heimildir en hér verður stíklað á stóru eftir því sem fram kemur í manntölum.

Bjarni var fæddur 1806 í Búrfellssókn í Grímsnesi, Árnessýslu. Í manntali 1835 er

Bjarni Magnússon 28 ára gamall, ógiftur vinnumaður og ráðsmaður Kristínar Pétursdóttur húsfreyju sem býr á Skeggjastöðum ásamt 5 börnum sínum. Þau eru á aldrinum 3-16 ára og fædd í Mosfellsókn. Börnin heita: Snjálau 16 ára, Jón 13, Ólafur 10, Pétur 6 og Einar 3 ára. Kristín er fædd 1787 í Reynivallasókn, 19 árum eldri en Bjarni. Faðir hennar var Pétur Pétursson (1758-1836) bóndi á Hurðarbaki í Kjós. Hún er ekkja eftir fyrri mann sinn, Þorvarð Einarsson sem var einnig bóndi á Skeggjastöðum.

Athyglisvert er að skoða manntalið 10 árum síðar, 1845. Nú er Bjarni orðinn bóndi og kvæntur Kristínu. Þá býr á Skeggjastöðum Guðrún Valgarðsdóttir 72 ára ekkja, móðir Bjarna bónda.

Nú hefur börnunum fækkað, eru þau núna aðeins þrjú: Jón sem er 24 ára ógiftur í vinnumennsku hjá föstra sínum, Einar 14 ára og Birget sem er ári eldri. Ekki er vitað hvað orðið hefur af Snjálau, Ólafi né Péttri og hvar Birget hefur verið er óljóst.

Í manntali 1855 er Bjarni 49 ára, bóndi og húsráðandi. Kona hans er sem jafnan 19 árum eldri, nú 68 ára. Þá eru búsett á Skeggjastöðum auk þeirra hjóna börn Kristínar af fyrra hjónabandi, Birget 25 ára og Einar 24 ára, bæði ógift. Hin börnin eru farin að heiman eða dái. Auk þeirra er 16 ára vikapiltur, Guðmundur Jónsson að nafni búsettur á Skeggjastöðum.

Eigi sést í dag mikið af handarverkum búhóldsins góða á Skeggjastöðum sem þar bjó fyrir hálfri annari öld.

Guðjón Jenson



Skeggjastaðaforleikurinn

Á nýliðnu ári fagnaði Þjóðleikhúsið 50 ára afmæli sínu en við vígslu hússins lék Sinfóníuhljómsveit Íslands hátíðarforleik eftir Pál Ísólfsen. Gárungar landsins nefndu tónverk þetta Skeggjastaðaforleikinn af ástæðum sem hér verður greint frá.

Seinni eiginkona Páls Ísólfsenar var Sigrún Eiríksdóttir (f. 2. júní 1911, d. 7. ágúst 1990.) Hún var dóttir Eiríks Ormsson rafvirkjameistara sem átti á sínum tíma Skeggjastaði í Mosfellssveit og lét þar reisa glæsilegt íbúðarhús sem enn stendur. Páll dvaldi oft að Skeggjastöðum ásamt fjölskyldu sinni og vann þar m.a. að hátíðarforleiknum. Þuríður söngkona dóttir Páls á ljúfar minningar frá sumardvöl á Skeggjastöðum sem unglingur og minnst útreiðtúranna á björtum sumarkvöldum í Mosfellssveit.

Páll Ísólfsen hafði mikil afskipti af tónlistarmálum um langa hríð og starfaði m.a. með forkólfum Tónlistarfélagins þar sem Ragnar Jónsson, kenndur við smjörlikisgerðina Smára, var formaður. Sigurður Skagfield óperusöngvari sendi tónlistarfélagsmönnum tóninn í dagblaðsgrein árið 1953 og segir:

„Nálægt höfuðstað Íslands er jörðin Skeggjastaðir, þar er sumarbústaður helztu leiðtoga smjörlikisklíkunnar og þar hafa hingað til verið teknar allar hinar stærstu ákvarðanir í öllum tónlistarmálum og Stefmalum. Þar var saminn hinn frægi forleikur, sem miður velviljaðir menn hafa kallað *Skeggjastaða-forleikinn*, og sem leikinn var, þegar Musterið, eða Þjóðleikhúsið var vígt.“

ÁLAFOSS FÖT BEZT

Kaffi- og veitingahús

Álafossvegí 24

Mosfellsbæ - Sími: 566 8585

SS GÍSLASON
VIÐGERÐIR H.F.

SMIDSHÖFÐI II

SÍMI: 587 2060

Verið velkomin



Starfsfólk Íslandsbanka Mosfellsbæ

Þverholti 6 • 270 Mosfellsbæ • Sími 5-666080

Gróðrarstöðin
Dalsgarður

ANNÁLL ÁRSINS 2000

ANNASAMT ÁR

Árið 2000 var nokkuð annasamt hjá stjórn Víghóls vegna útgáfu og sölu á myndbandinu „Minjar í Mosfellsdal“. Frumgerð myndbandsins var tilbúin um áramót, og tók nokkrar vikur að ganga frá fjölföldun, kápugerð og samningum við STEF vegna tónlistarflutnings og var það loks tilbúið til sölu snemma vors.

Viðtökur voru góðar bæði í dalnum og utan hans. Myndbandið verður áfram til sölu hjá stjórn Víghóls.

MANNFAGNAÐIR

Þorablót var haldið 12. febrúar í Fólkvangi og var mjög vel mætt eins og undanfarin ár. Var umtalað að þetta hefði verið besta þorablót ársins enda ekki nokkur annar félagsskapur sem hefur heilli lúðrasveit á að skipa til að hefja fjörið, en það hélst svo óslitið fram eftir nóttu.

Hverfisfundur var í mars þar sem Dalbúum var boðið að heimsækja bæjarstjórn. Nokkuð vel var mætt úr dalnum og mörgum athugasemdum komið á framfæri við bæjaryfirvöld.

Meðal þess sem Dalbúar fóru fram á að yrði lagfært var m.a. að biðskýlin í dalnum væru snjóhreinsuð svo og „vetrarbílastæðin“ svokölluðu sem alltaf fyllast af snjó um leið og eitt-hvað skefur, hestaleiðir lagfærðar og gert göngufært undir brúna í Víðiodd-anum, götulýsing verði sett frá Áslandi í Mosfellsdal og að bætt verði GSM-samband í Dalnum, en það hefur verið mjög gloppótt. Þá var og óskað eftir vegabótum að Minna-Mosfelli, Brekkukoti og fleiri bæjum.

GRÓÐURDAGUR FÉLL NIÐUR

Gróðurdagur féll niður vegna veðurs en rigning og hávaðarok var daginn sem átti að nota til gróðurstarfa í trjágarðinum okkar vestan við Furuvellina. Á miðju sumri sendi skrudgarðastjóri bæjarins fólk til að slá grasið sem sprettur vel þarna. Á næsta sumri þarf að lagfæra göngustíga og athuga með grisjun trjáa. Ákveðið var á síðasta aðalfundi að gróðurdagur yrði síðasti laugardagur í júní ár hvert og eru Dalbúar hvattir til að mæta og taka til hendi.

MYNDBANDSGJÖF

Á haustdögum færði stjórn Víghóls bæjarfélaginu 6 eintök af myndbandinu Minjar í Mosfellsdal í þakkletis-skyni við fjárstuðninginn sem við hlutum frá Lista- og menningarsjóði Mosfellsbæjar, og verða þau eintök á bókasafninu og í skólunum.

AÐALFUNDUR

Aðalfundur Víghóls var haldinn 4. des í golfskálanum Bakkakoti. Stjórnarskipti urðu, Ásgerður Gísladóttir og Sigurður Skarphéðinsson gengu úr stjórn en í þeirra stað komu Gísli Snorrason í Brekkukoti og Valur Þorvaldsson á Minna-Mosfelli. Auður Eiríksdóttir var endurkjörin í stjórn.

GAMLÁRSKVÖLD

Á gamlárskvöld komu Dalbúar saman að venju og sungu við hressilegan undirleik „Braks og bresta“ hinnar víðfrægu lúðrasveitar dalbúa meðan áramótabrennur loguðu víða um bæ og sveit.

Auður Eiríksdóttir.